



DEO OPTIMO MAX, UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,
QUOD LIBETARIIS DISPUTATIONIBUS,
manè discutienda, in Scholis Medicorum, die Jovis trigesimæ mensis
Januarii, anno Domini M. DCC. LXVI.

M. PAULO-JACOBO MALOUIN,

Doctore Medico, Reginae ordinario, Regiæ Scientiarum Academiæ,
Societatisque Londinensis Socio, Librorum Censore, & in Regio-
Medicorum Nanceianorum Collegio, Honorario, Actûs Præsidente.

An Sagou Phthisicis?

I.



U ANQUAM omnes una maneat Nox, hanc tamen omnibus
non una inducit Ægrotatio. Suos habent morbos Optimates, Ple-
bei, Oriosi & Opifices; habent & suos, Temperamenta, Sexus,
& Ætates. Ita juvenilis ætas in muliebri præsertim sexu, *Phthisis*
maximè obnoxia est. A Parentibus hæc labe contaminatis, quando-
que Natis transmittitur; infausta hereditas & sæpè Matrem & In-
fantem simul trucidat, eidemque mandat tumulo. Quos officiosa *Phthisicis* addicit:

sedulitas, sæpenumerò laceffit contagiosa; Uxorem & Maritum eodem telo plerumque conficit. Sæpe morbo alio ægrotanti per venas serpit perisida. Corporis partes vel omnes absumit; vel præcipuè insidens Pulmonibus, ibi teterrimam infert vastitatem. Acuta est cum repente ferit ac celeriter necat; Diuturnave cum omnes corporis partes sensim delet ac depascit. Hieme sævit & Æstate, Vere & Autumno; maxime tamen quæ pulmones speciatim afficit, Vere ut plurimum extialis est, circa æquinoctium: quæ corpus univèrsum, Autumno exacerbatur, circa solstitium.

Inter *Phthisis* primordia, magis præsentit Medicus, quàm pronuntiat. Facies pallida: Maxæ rubescentes: turbinarum caput; palatum nimis altè fornicatum: dentes quasi pectinatum commisse: gingivæ albæ: collum longum: convexior cervix: thorax planus & angustus: depressæ scapulæ: mollis & squalida cutis: velox & laboriosa respiratio: in motu vel minimo, magnus anhelitus: tetrum inter odorem abrupta vox, *Phthisim* nativam prænantiant.

Morbum hunc simplicem ne credas: gradus habet longè inter se distitos. Corporis extenuatio, nec tamen cutis rugosa & mollis. Febris cum calore, serotinis præsertim horis sensum obrepit, molesto cum titillationis sensu in thorace, atque siccâ cum tussiculâ, quæ nihil emolitur. Post modum, tussis sub auroram exacerbatur: statim sincera, subamaræque sputa prodeunt: mox tenuia & salsa; excreanturque lapilli. In *Phthisi* incipiente comes frequens dolor in latere, pulsus hincensus & exilis; vix spiritum ducendi datur libertas: nonnullos commovent molestæ sternutationes: in quibusdam molestant sanguinis fluxiones, atque stomachi obrusa vellicatio; jam oppressio fit pectoris ponderosa ante & retro statis temporibus pungens: sæpe febris erratica cum Lienis dolore: accedunt urinæ fursurose ac rubræ: sitis guttur angit: menstruæ in Mulieribus subsident purgationes; aliquando pustulæ erumpunt, vel maculæ apparent, quæ terram, deinde fursurem latissimum colore referunt. Importuna tussis ægrotantem affligit: eliditur quoque in faucibus spiritus: & servens difficili sputo tumet Pulmo: sæpius dulcia alba, spumantiaque fiunt sputa; admotas ori polliant dapes; &, cheu quanta tussis, quantus adest anhelitus, quantas movent vomitiones, assumpta alimenta! tunc mucosa ac lubrica facilius ejiciuntur sputa, sanguinis staminibus sæpe intexta; sequitur febris tabida; summus languor est, febreque major.

Ut plurimum somni initio perturbantur *Phthisici*, præcipientes ab alto, fremebundi, quasi desilirent & immergerentur: alii exiliunt, simulque expergiscuntur: hoc autem temporis puncto, pulsus mirum in modum velox ac tremulus est. Somni autem sub exitu, capitis & colli suspensiones inestant, torrida verò pedum molestas siccitas. Quandoque inter ipsam tussim quiescit pulsus, statim verò infrescit. Insuperabile adest fastidium: exardescit portiois desiderium; vel avidè appetuntur, vires autem non reficiunt cibi, imò corporis veluti infractionem, febrilemque calorem augent. Jam venter quasi inanis, depressus, atque sursum ad thoracem convulsus; tunc corpus pruriginè afficitur, lurida est facies, scapulæ sunt alaræ, sæpius erigitur supra dorsum, obvias hians ut capiet auras: per omnes inspirationes narium pinna dilatantur: plurimus in pectore strepitus, iam respirationis modum sequuntur pulsus *pulsus*. Tandem ubi in unum latus recumbit, urget acrius jacentem inhaerens dolor, acerbiorque fit tussis quam si in alterum. Fœdior per noctem desperatio: at rapidum nuncians solem aurora compefcit mentem, animumque reddit. Interea totius corporis habitus unotenore contabescit, dum concavantur tempora, rigidæ invertuntur auriculæ, umbroso rotantur in antio oculi, nares fiunt acutæ, consuuntur buccæ, protuberant Maxæ, depressa sunt labia ac dentibus affixa: os parulum est, parvisque ulceribus asperatum; fauces exardescunt, dolentque, qui dolor ad aurem, ferè semper sinistrum, (si benè fida nostræ observatio,) & ad partem maxillæ superioris davan

pertendit; ubi vero abest faucium dolor, tunc acuta & molestissima in utraq̃ue aure sæpe tensio est. Sanguifera vasa calidiora quàm circumposita carnes deprehendit Medicorū perspicax. Incurvantur unguēs pallidi. Quid quòd pediculorum sæpe molestia est copia; sitque totum strigosum corpus. Vides? quæ calamitas!

Jam superficie lævi inæqualiter rotunda sputa, cænoſa, cinerea, purulenta, luthea, viridia, subcærulea, ferruginea, subnigra prodeunt. Si prunis ea superfundas, nares fœtore gravi infestari senties: immixtus violarum syrupus virescit: si verò illa in aquam injeceris, huic quasi immisceri, statimque fundum vasis petere videbis: si conquassentur in aquâ, hæc lætescit; desperatam tunc esse rem intelligit. Jam capilli defluunt: plenus effervescit in gutture pulmo, mortisque crepat omina. Nulla intervenit quies, omnia in pejus ruunt; mira tamen est cogitandi & loquendi facilitas, atque flagrans salutis desiderium ac spes. Nequaquam; si sputa prodire desinant; si dentes exardescant admodum: si uvula fervens ulceretur; cum sudoribus nocturnis, atque fœdo alvi profluvio; præcipuè si pedes, si manus intumescant, placida brevi obrepit mors, quæ cita & certa, etiam ab initio morbi, si huic accedat *Variola*.

Nec victimam priùs maculat crudelis, quàm nutritium succum totum suxerit, omnesque humores infecerit *Phthisis*. Hujusce luis curatio tentanda-ne est sanguinis missione? non-nisi initio & in morbis quos aliquando excipit *Tabes*, usui panda; tunc extractus sanguis valdè calidus, rutilus, ac parum coherens est. Medicamentis-ne? parè & cautè admodum. Monstrum demulcere, quàm aperto Marte adoriri tutius est. Sit medicamentum in Alimento, quod acida obtundendo, muriatica leniendo, chylum sanguini & humoribus congruentem efficiat, liquorumque dissolutioni obſistat. Sic labantem nutritionem restitues, humorum corruptionem præcavebis, uno verbo, *Phthisicis* proderis.

I I.

FELIX qui potuit genuinas morborum reperisse causas, atque perspicax in re tam arduâ, obscurâ tantum cernit acutè! factus observationibus dives, ad illorum curationem securè transit. Abstrusa sinè res, ipsummet agrotationum attigisse fontem. Medicorum longè doctissimus *Hippocrates*, veram morborum omnium, quorum rectè observarat *symptomata*, causam non ipse semper agnovit; hinc ad additam supremi numinis virtutem confugere coactus, & in plurimis morbis arguebat. Ut a mechanica pluribus legibus ac diversimodè ordinatâ penderet sanitas; sic a pluribus, diversisque causis procreatur Morbus. E multiplici inidem fonte exurgit *Phthisis*: ab aère ipso, Vitæ aliàs incentivo, si marinus est, palustris, aut carbonum præcipuè fossilium fumo oppletus. Vel a naturali Pulmonum infirmitate *Tabes* invehitur, cum ab ipso ortu minùs coherentes inter se particule quibus constant fibræ, laxiores ab his effingunt canales, molliores conformant pulmones. Sanguine *impetiginoso*, vel nutritiæ lymphæ vitio pulmones sensim contabescunt, ubi illa nimis glutinosa & falsa, minùs fluida, magis terrestris, in tenerâ pulmonum compage concrevit, ipsiusque moles aggeritur; hinc sequuntur obſtructiones, calor augetur, lapillorumque fit concretio. Vel ab impetu Cruoris in suis principiis à seipso dissidentis, ubi inordinatus fit, & internus, & orbicularis illius motus; aut ubi rarefrens, lentefcente moratur atque residet in arteriarum præsertim capillarium extremis, maxime ad fines, ubi in venas desinunt arteriæ. Nam a lato in angustum per pulmones fluit sanguis, cum hoc in viscere, ipsis arteriis venæ angustiores sint & pauciores; inde inoculationis punctum difficiliùs in pulmonibus quàm ceteris corporis in partibus transcendit arteriosus cruor: truditur sanguis sanguine, sicque augetur obex; distentâ etenim posteriore canalıs parte, arguitur anterior. Turgida sanguine vasa comprimunt vicina; compressionis punctum sanguini per latus fluenti, ponit obicem;

sic concipitur tumor : sic existunt tubercula, quæ quidem suppurratura sunt, cum dissolvuntur morati humores, corrumpunturque simul cum suis canalibus; & tunc puris exputio fit. Integræ verò partes quibus discriminantur tubercula, si unâ insciuntur ac putrescunt, incolumi exteriori pulmonis membranâ, Vomicâ fit; & interea conglutinatut ut plurimum cum *Pleurâ* pulmonum pars altera. Vel non suppurratura tubercula, sed sensim incrementa spiritûs vias præcludunt, tandemque agrotantem perimunt. Sæpe etiam Hepar simul obstruitur, unde Bilis secretio minuitur, hinc sputorum sapor & aliquando color, hinc tinguntur intensius urinæ. Quod si in pulmones pituitosa & mariatica defluat colluvies, hujus falsedo illos irritat, scabra fiunt ipsorum involucria & roduntur; hinc *Dyspnoea*: sequitur febricula: succedunt parva ulcera: universum liquefcit corpus. Humida hæc illuvies si per *Medullam oblongatam*, spinalemque defluit, scapularum inde & lumborum fit dolor; interioresque Capitis partes vacuæ videntur ipsi esse: depravantur simul succi nervorum, hi non nutriuntur; sequitur *Tabes dorsalis*, quæ ut plurimum accidit nimia venere utentibus, vel *gonorrhœâ*, albove fluore laborantibus, sic quidem nutritia evanescit, lymphæ; hinc corporis intabescit habitus. Si supra coxendicem illa tantum effunditur, post diuturnum dolorem crus tabescit, atque nervorum fit resolutio. *Renalis* autem producit Tabes cum spinam circa, ren intumuerit, suppurratusque fuerit; unde febris fit Phthisica. In quibusdam per fœda ulcera altor subtrahitur succus, tabo polluitur sanguis; hinc putrida fit febris. Ubi per Inediam, per Lactatum, per Diabeterem, vel per Diarrhœas maxima fit succorum alibilium consumptio. Ubi per sanguinis fluxiones inanita vasa sanguifera, corporis liquores avidè sorbent, & alibiles deprædantur succos, tunc corporis ambitum alluere desinunt, dum inanitate collapsa feriantur secretentium tubulorum ora; unde parca vel nulla lymphæ secretio, atque ex hæc nulla succi nutritii separatio; hinc propriæ substantiæ consumptio sensim succedit. Vel in strumofum *Mesenterium* chylo præcluditur aditus; hinc sanguis & humores nutrimento suo fraudantur; hinc effecti fiunt, statimque incallescunt & acrimoniam *alkalinam* contrahunt. Vel intra corporis liquores admissa alimenta simul corrumpuntur; hinc sæpe illiquefcit corpus. Quin imò *Phthisim* sæpe creat nimia sanguinis copia. Queris quid possit ad tabem *melancholicam*? audi: ipsâ corrumpitur omnis secretionum ordo, dum sanguis pleno nimis flumine ruens, vixque suis exceptus vasis, horum distendit comprimitque latera; sic lymphaticorum tubulorum obliquè enascentium aditus humoribus confertim affluentibus, intercluditur; hinc concidit *nutritionis* opus, tabescitque corpus. Suis & ipse Obesus viribus opprimitur, cum ad summam corporis habitudinem pervenit, majore factâ in ipso humorum collectione quàm dissipatione; hinc varii & diversi liquores simul congesti pugnant inter se, ac dissolvuntur. Pari ferè ratione Juvenes rapit sæpe maturior vis, cum summum incrementi apicem adepti, succos parcius insumunt: hinc minis renovantur humores, hinc simul incallescunt; hocque eò magis, quòd juvenili in ætate humores sunt maximè oleosi; contra in Senectute aquosi & viscidî, *gelatinosi* magis sunt. Multò facilius autem *alkalinam* acrimoniam suscipiunt oleosa, quàm & *gelatinosa*, & aquosa viscida; hinc facilius in Juventute, quàm in Puèritiâ aut in senio, sanguinis motus internus, in putredinis motum degenerat. Præter hæc, ubi antecesserunt malè sanatæ *Pleuritides*, *Peripneumonia*, *Variola*, aut *Morbilli*, sæpe accedit Phthisis; quoniam his incensus sanguis *urinofus* fit & volatilis, atque aliquâ sui parte in pus convertitur, partes quibus insidet adurit, & vicinas serpendo depascit; sic corpus clade horribili sensim absumptum extabescit. Quod plura? quæ solitas egestionem supprimunt; quæ fluxiones commovent; quæ corporis succos dispergunt, absumunt, corrumpunt-ve; uno verbo, omnium morborum causæ *Phthisim* inducere valent. Hæc autem aliquando causam habent ab acidis, quæ ex alimentis aciescentibus, vel ex agrotantis humorum intem-

perantiâ oriuntur. Scilicet acidorum improbitate sanguis & lymphâ concreſcunt, ſequunturque obſtructiones, quibus accerſita febris diſſolutiones alkalinas parit. Sæpius à muriaticis *Phthiſis* cauſæ ſunt repetendæ, cum natus in Animalibus *ammoniocalis* ſal immodicè augetur, vel cum lymphæ ac ſanguinis parte oleoſâ non ſatis aptè commiſcetur; in aquoſâ verò diſſolutus, ſimul cum ipſâ uno agmine deſcendit; hinc variæ ſiunt diluvies, & ab indole nutritia deſciſcit lymphâ; hinc ſæpe atrophia ſcorbutica *. Hâc ratione divelluntur pârtes quibus conſtitatur ſanguis; tunc quaſi evolutæ, *urinoſæ* ſiunt: atque corrumpuntur. Sic indicantur quæ ſint nocitura, quæ proſutura ſint, quibuſque auxiliis vincere vim morbi Naturâ poſſit. Nil moreris; veneni cauſas, & vitia, & modos noſcis, Remedium accipe.

I I I.

PHTHISICAM labem ſæpius quàm Galli, experiuntur Britanni; diligentius inde remedia quæ ipſos à *Phthiſi* incolumes præſtarent, inveſtigarunt. Jam ab hinc ſeculo per Orientis oras navigantes præſtantiffimum in Tabe remedium naſti ſunt. Hodie autem *Londoni* per vicos & plateas vulgò venditur: *Parifiſi* verò omnibus pene ignotum erat anno 1729, quo hæc Theſis primò edita fuit. Ex arboris trunco depro-mitur. Arbor hæc ** *Todda panna* eſt, Palmæ ſpecies. In Indiis orientalibus, in regione *Malabaricâ* præſertim, naſcitur. Caudice ſurgit quadraginta & ultra pedes, alto. Ut plurimum ſeſquipederalis eſt huius diametralis craſſities. E terrâ primò erumpens ſub-dio ſine caudice conus eſt. Prima conî tegmina foliacea ſunt. Ab horum ſinu ſubinde emergunt folia pinnata, ſpiculiſque armata. Inter hæc, ecce novus fructifer conus exurgere incipit, ubi quintum ſextumve annum arbor attingit. Fructifer hic conus re-flexos ſenſim exhibet ramuſculos, fructibus ornatos. Fructus oblongus, primùm vi-reſcens piſi magnitudinem, dein creſcens, prunum craſſum adæquat, mox flaveſcit, & omnino maturus ex rubro inſuſcatur. Ramuſculi fructiferi cum foliis ac foliaceis conî tegminibus decidui, extruberantia ſui ſtigmata relinquunt; ſic quotannis pro-minentem exhibent annulum; ſicque aſurgit caudex. Centum & ultra extruberanti-bus annulis diſtinctis circumdatur. Cortice ſquamoſo, extra cinereo, intra purpu-reo veſtitur. Lignum albicans, molle, ac ſpongioſum. Hoc in fruſta cædunt Indi-genæ, & in aquam macerandum immittunt; poſteâ ſtrenuè contundunt; deinde co-lant; tandem ſubſidere permittunt; claramque aquam ſupernam effundunt. In ipſo-rum nutrimentum cedunt remanentes *Fæculæ*: ex his p lætentes eſtingunt, atque in panem excoquunt. Illas-ve exſiccant-ſæces & in grana committunt; hoc apud indig-nas *Sagon*, apud Britannos, *Sagu* nominatur. Ex *Goâ* atque ex *Bengalâ* in Europam depor-tatur. *Kpjavu* ſpecies fuſco-albicans. Aquoſo ſapore ſuave eſt. Evidentem nullum odorem ſpirat. In aquâ calidâ omnino diſſolvitur: in frigidâ vix: in oleis nullo modo; in aquâ-vitæ indureſcit. Ex ipſo per plures æſtivos dies aquâ molliſimo nullo ope diſtillationis chemicæ, ardentem ſpiritum extraxi; ex omnibus verò fermentatis ſarinis; ſpiritus-ar-dens elicitor. *Sagon* in aquâ calidâ loti cochlear unum ſemiunciâ grave, in aquæ perpe-tuo calidæ uncis ſexdecim, ſi per tres circiter horas quieſcat, in placentam mol-liſſimam & gummoſam concreſcit; deinde ſuperna tranſfunditur aqua, atque *Sagon* re-manens & rubellum factum, cochleari accuratè diluitur, ſenſim reſundendo calentem aquam in quâ maceratum fuit. Tunc colatûr nullis vel paucis remanentibus quiſqui-lus. Poſteâ igni imponitur, & ubi ebullire incipit, adduntur partitè lactis vaccini un-ciæ ſexdecim, atque per ſolidam ſeſquihoram æſtu æquali ſerveſactum excoquitur in pulvem facilè ſorbilem & ſuaviſſimam, cum aliquâ mellis vel ſacchari temperatione præcipuè ſi aquâ ſimplici ſine lacte coquitur. Facilis digeſtionis cibus eſt, maximè

* Vide *Bonnetus*, *Eugalenus*, & *Morton*, de *Phthiſi*.

** Vid: *Horti indici Malabarici*, *Parſem* tertiam, p. 6. *Tab. 13*, & ſequent. Vid. *Rompius*, & *Camell*.

refocillans, & exquisitissimis menfis ob saporem non indignus. Medicamentum autem inter præstantissima non secundum ad humorum dissolutionem præcavendam, acriter quæcumque sive acida, sive muriatica, *alkalina*-ve temperando.

I V.

NIHIL intentarum reliquit gula Hominis fame conciti, vel industriæ luxu abrepti. Hic prope ex universis quæ terra profert, alimento sibi præparat, Animantium cupidissimus. Ex Plantis, ex Animalibus, quin & ex Fossilibus condiuntur dapes. Inter illa quæ humano generi alendo idonea sunt, primas facillè tenent Fruges; & quò longius ab his cætera recedunt, eò longius de legitimo nutrimenti scopo desectunt. Hinc fossilia ad id minùs apposita: animalia magis. Inter hæc, deteriora carnivora: meliora quæ plantis pascuntur; atque ex his eligendæ partes quæ ex plantis minùs immutatis constant, ut Lac. Communis Animantium cibus, fruges: ex his simplicissimæ, saluberrimæ, ac suavissimæ depromuntur dapes. Alimentum simul & Medicamentum exhibent; ut alimenta, fruges omnibus naturis sunt utiles; ut medicamenta, intemperatis cujusmodi sint, sua cuique in frugibus stat opposita & salutaris materia. Medium tenent plantæ, fossilia inter & animalia. Nativam principiorum in fossilibus. Simpliciter plurimùm imitantur fruges, sed fixæ minùs, & tabulis jam instructæ, animantium quasi rudimenta sunt; æt verò suis in principiis minùs dissidentes, corruptioni non æquè obnoxie sunt atque animalia. Horum principia, motu & calore nativo plurimùm ad *alkalinam* acrimoniam tendunt; huic summa carniùm ad corruptelam proclivitas; hinc alimenta ex his deprompta, intestinorum lævitatem, dejectiones foetidissimas sæpius pariunt; ulcerum sordem augent; febrium æstus concitant, unde colliquefcunt humores. Piscēs porrigit? dulcis revera cibus, & plerumque facillè superabilis; sed acriùs adhuc & citiùs quàm cætera animalia in putredinem labuntur. Alimenta autem ex plantarum familiâ deprompta, difficiliùs in corpore animali corrumpuntur: immutantur verò in humores omnibus secretionibus obeundis aptos, atque animali economiæ sufficientes. Inter illa cæteris multùm præstant Farinæ: omnium seculorum usu, comprobatus est cibus ex ipsis depromptus. Alimenti dotibus quas eximè cæteras inter farinarum species possidet *Sagon*, Medicamenti vires addit: gummosum, quamcunque humorum acrimoniam obtundit & lenit; sicque nutriendo, simul corruptionem præcavet si sat citò adhibeatur. An melius quis habet Phthisicis suadere; secundâ, remedium adhibere quid moraris, alite?

V.

UBIQUE terrarum, omni Ævo, eximiis farinarum virtutes arte perficere fluitavit Homo, novitatis cupidus. Sic valde tritum in omnibus pene morbis apud Græcos ex *χρόσιον* & *τραχυν* alimentum. Apud Romanos primò maximè usitatum fuit Far; deinde Alica ex Zeâ factitia; postremò Far priori diversum, & ex hoc adorea liba conficiebant. Hodie verò Itali sua laudant, variè subacta farinaria; *Semolam* Genoveses; *Gruum* Armorici ac *Delphici*; avenaceam *Atheram* *Neustriaci*, quæ *Habermus* Germanorum. Ubique variæ venduntur Polentæ: ubique laudantur *Oryza* & *Hordeum* glumis purgatum. At verò his omnibus palmam præripit *Sagon*; maximè reficiens cibus, benigno calore corpus fovet. *Oryza* verò ardenti sæpius hæret stomacho, quem prægravat. Hordeacea ventriculum & intestina flatuum copiâ sollicitant: detergent quidem, sed quas sublevant partes, simul deterunt. Stomacho & intestinis plurimùm contra prodest *Sagon*, ea blandè fovendo, humectando, simulque ab humorum saburrâ tuendo. Numquid *Chocolais* usus commodiùs refocillat? obstat crassius oleum quo depisitur *Cacao*, diu sustentat, sed in vasis diutius moratur, corporis liquores commovet, atque cardiacos morbos nonnunquam concitat. In corpore facillè superabile *Sagon* celeriter nutrit, celeriter egeritur. Avenacea corporis aquosos humores, ad glandulas nimium alliciunt; hinc in *Phthisi*, molesta intestinorum augetur lax-

vitas; hinc saliva, liquor *gastricus* succusque *pancreaticus* vapidi fiunt. Vitæ nostræ principis magis amicum *Sagou* ignem animale, vitæ flammulam non extinguit: tabidum calorem obtundendo, nativi caloris vices obit. Procul esto in *Phthisi* frumentarius; non enim summovet miseros tumultus a salibus concitatos; contra intendit sanguinis motum, hujusque pars rubra nimia fit. *Sagou* verò chylum blandum cum sanguine non æstuantem præbet, atque lympham nutritiam & humectantem, copiosam conficit. Cerealia omnia quoquomodo parata, spirabilia bruta concitare solent. Amygdalina quidem oleo suo leniunt, corruptionem amovent, & calorem phthificum retinunt, sed parum gummosa, parum nutriunt; crassa autem cum sint & prægravia, per corporis canales agrè viam sibi moliantur: tumescencia humorum principia comprimendo dissociant; hæc seorsim existunt, & gravant, Cerealia inter & Amygdalina medium tenet *Sagou*; gummosum acria lenit: æqualis cibus, leniter cum relictis humoribus miscetur; æstuentes corporis liquores deprimendo, malè coherentes ipsorum partes conjungit & refocillat: febrium ardorem compescit, nativum calorem fovet; atque speciatim fluxiones sistit. Quod ex farinis præcipue nutrit gummosum est. In nutritionis opere easdem tenet gummosum partes, respectu farinarum quas tenet *gelatinosum*, respectu carni. Sæpe, proh Calamitas! in *Phthisi* confirmatâ, ubi tussim sedas, salsam colluviem leniendo, imminuto sale muriatico, corruptionem foves. Contra debellando corruptionem tussim aliquando exacerbans, dum *alkalinam* acrimoniam delendo, ad muriaticam revocas. Hoc in statu morbi, muriaticis ita concilianda dulcedo est, ut putredinem simul inhibeas: hoc opus, hic labor est. Hoc autem assequeris, si, quod adhibes remedium, corruptorum humorum effluxum per cutis meatus sensim promoveris, succos lenientes & à putredine maxime abhorreris in illorum locum sufficiens. Id aliquando muneris adimpler Lac: muriatica mitigat. atque recentem subministrat nutritiam lympham, dum veterana effluit. At sapius in stomacho acescit aut putrescit lac; atque semper nocet lac ubi aliquo in viscere hæret obstructio. Omnibus autem virtutibus quibus pollet lac, iisdem præditum est *Sagou*. Non acescit autem, nec putrescit laci modo; cumque in alimentum cedat subtile admodum ac tenue, per obstructa viscera obrepit facile, iisque nutrimentum invenit. Opportunissimum alimentum, præstantissimum medicamentum. Optimum in *Phthisi* ut sit medicamentum in alimento; & alimentum in medicamento. Utrumque eximium præstabit *Sagou*,

Ergò *Sagou Phthificis*

DOMINI DOCTORES DISPUTATURI,

M. Joannes-Baptista Alexander MAIGRET.

M. Franciscus THIERY DE BUSSY.

M. Josephus DE JUSSIEU, Regia Scientiarum Academia Socius.

M. Josephus PHILIP.

M. Hugo GAUTHIER.

M. Hyacinthus - Theodorus BARON, antiquus Facultatis Decanus, necnon Censorum Regis & Exercituum in Germaniâ & in Italiâ Proto-Medicus.

M. Joannes D'ARCET. M. Ludovicus - Gilbertus-Alexander BOYROT DE JONCHERES.

M. Ludovicus - Maria POUSSE, Eques & Censor Regius, Chirurgia Gallico idiomaticè Professor designatus.

Respondere Parisiis JOSEPHUS-JACOBUS GARDANE, Massiliensis Doctor Medicus Monspelienfis, Saluberrimæ Facultatis Medicinæ Parisienfis Baccalaureus, A. R. S. H. 1766. A SEXTA AD MERIDIEM.

Typis QUILLAU, Universitatis & Facultatis Medicinæ Typographi. 1766.

